

Сѣдѣша же има⁸⁸ етеро время, рече слѣпецъ к⁸⁹ хромию: Что убо⁹⁰ благоухание се⁹¹ изуть врат помѣтаетъ⁹² мя? Отвѣща хромецъ: Многа благая наю господина внутрь суть, их же вкушения — неизреченна сладость. Но понеже премудр есть наю господин,⁹³ — посади тебе здѣ слѣпа, мене же хромого и не можевъ никакоже тѣх⁹⁴ насытитися благынѣ.⁹⁵ Отвѣща глагола слѣпецъ: То почто сего давно нѣси ми повѣдал, да быховѣ не жадали, но к сим даным нам в область и она особь въсхитивѣ! Аще бо аз слѣп есмь, но имам нози и силен есмь: моги носити тебе же и бремя. Вижь, душевное бремя грѣхъ;⁹⁶ того ради глаголетъ пророк: Яко бремя тяжко отягтѣся на мнѣ. Рече же слѣпецъ: Возми убо кошь и всяди на мя [л. 235 об.]. И аз тя ношу, ты же покажи ми путь, и вся благая господина наю объемлевѣ; не мно бо, яко придетъ сѣмо наю господин. Се помышления суть ищущих не о бозѣ свѣта сего санов и о телеси токмо пекущихся, ни чающих отвѣта о дѣлѣхъ въздати, но акы суетну пару свою душу в вѣтр полагающем. Того ради глаголетъ Исая: Зависть примуть⁹⁷ люди ненаказанья; завидим мы, грѣшнии, чьсти и славу праведных, а не преже творим дѣлес их. Аще ли, рече, придетъ наю господин сѣмо, укрьтѣся от него наю дѣло. Аще бо⁹⁸ мене въспросить о гадбѣ, аз рку: ты вѣси, господине, яко слѣп есмь. Аще ли тебе въспросить, ты рчи:⁹⁹ Хром есмь и не могу¹⁰⁰ дойти, и тако премудруевѣ наю господина и примевѣ мзду наю¹⁰¹ стражбы. Въсѣд же хромецъ на слѣпа и дошедша окрадоуста вся внутренья¹⁰² господина своего благая.

То¹⁰³ не воюйте, братье, на мою грубость, нелѣп образ писания поставляющи ми. Яко же бо и по ногу вязящи птицу нѣст мощно на анерскую възлетѣти высоту, тако и мнѣ в телесных вязящу похотех, невозможно [л. 236] о духовных бесѣдовати: не сольнуть бо ся грѣшника словеса, не имуща благодати¹⁰⁴ святаго духа. Обаче на предѣреченая възратимся, разрѣшающе притча соуз.

Ⓓ. Сѣдѣша же има, рече, долго время. Что есть долго время? — Бестрашие божия заповѣди и о телеси печение, нерожение же о своей души. Никто же бо страх божий¹⁰⁵ имѣя, в плотских прельститися; никто же правовѣрен, чрес¹⁰⁶ закон священскаго ищеть взяти сана; никто же смерти чая и по смерти паки въскресения, — тѣ в злых пребывают¹⁰⁷ дѣлѣхъ. Но паки то же реку разума дѣля. Рече¹⁰⁸ слѣпецъ к хромию:¹⁰⁹ Что убо благоухание изуть помѣтает¹¹⁰ мя? и прочая. Се надмение Адамова высокомысля, яко всѣми обладая земными, животными, морем же и в немъ сущю тварью,¹¹¹ в едемѣ благих насыщаяся, преже освящения на святая дерзнув, из едема бо вниде в рай. Сего ради писание глаголетъ: Изгна бог Адама из рая и осуди его дѣлати землю, от нея же взят быст. Вижь, яко не тамо повелѣно ему бѣ жити, отнелѣже его изгна. Тако бо вниде, яко же се церковник¹¹² недостоин ерѣйства и ута[л. 236 об.]ив грѣх свой,¹¹³ не брег же¹¹⁴ о божии законѣ, но имене дѣля высока и славна житья на епископскыи¹¹⁵ взиде сан.¹¹⁶ Слогы¹¹⁷ подобны. Того ради¹¹⁸ смертию Адама осуди, понеже коснуся древа разумѣния добра и зла. Древо бо разумѣния добра и зла¹¹⁹ — есть разумны грѣхъ и волное богоугодья дѣлатель.¹²⁰ Пишетъ

⁸⁸ Доб. в Ч. ⁸⁹ Нет Ч. ⁹⁰ у Ч. ⁹¹ Нет ЧТ. ⁹² полѣтает Т. ⁹³ Доб. и Ч; ⁹⁴ Доб. дойти и ЧТ. ⁹⁵ благынѣ ЧТ; в ркл. благовонь. ⁹⁶ грѣхов Ч. ⁹⁷ примуть ЧТ; в ркл. приметь. ⁹⁸ бо ЧТ; в ркл. доб. и. ⁹⁹ Доб. яко ЧТ. ¹⁰⁰ Доб. тамо Т. ¹⁰¹ на Ч. ¹⁰² Нет Ч. ¹⁰³ но ЧТ. ¹⁰⁴ влаги Т. ¹⁰⁵ Доб. в собѣ Т. ¹⁰⁶ чрез ЧТ; в ркл. и чрес. ¹⁰⁷ пребываетъ ЧТ. ¹⁰⁸⁻¹⁰⁹ хромецъ к слѣпцу Ч. ¹¹⁰ полѣтает Т. ¹¹¹ Доб. и ЧТ. ¹¹² церковник ЧТ; в ркл. церковник. ¹¹³⁻¹¹⁴ небрежетъ Т. ¹¹⁵ Доб. дерзнув Т. ¹¹⁶⁻¹¹⁸ дерзнув взидеть саны Ч. ¹¹⁷ Слогы Ч; в ркл. Слоги. ¹¹⁸ Доб. и Ч. ¹¹⁹ Доб. се ЧТ. ¹²⁰ дѣтель ЧТ.